


Келісемін:

«BilGen OySana» интеллектуалды  
курсының бас жоба жетекшісі

 Жалғасбай Г.А

Бекітемін:

«BilGen» ұлттық авторлық методика  
және бағалау орталығы директоры  
Тұрсын А.Х



«BilGen OySana» интеллектуалды

Олимпиадасы туралы

**ЕРЕЖЕ**

Алматы, 2019 жыл

## МАЗМҰНЫ

1. Жалпы ереже.....	3
2. Олимпиаданың мақсаты мен міндеттері.....	4
3. Олимпиаданы ұйымдастыру .....	4
4. Олимпиада қатысушылары.....	6
5. Өткізу тәртібі.....	7
6. Жұмыстарды бағалау.....	8
7. Ұйымдастыру комитетінің арнайы құқықтары .....	8
8. Жеңімпаздар мен жүлдегерлерді марапаттау .....	8
9. Келушілер мен қатысушылардың жауапкершілігі .....	9
10. Қауіпсіздік .....	10
11. Қосымша 1.....	11

### 1. ЖАЛПЫ ЕРЕЖЕ

1.1. «BILGEN OYSANA» интеллектуалды курсының оқушыларының олимпиадасы (әрі қарай - «BilGen OySana» олимпиадасы) туралы бұл ереже олимпиаданың мақсаттары мен міндеттерін, ұйымдастыру мен өткізу тәртібін, оның ұйымдастыру-әдістемелік тұрғыдан қамтамасыз етілуін, олимпиаданың қатысушыларын, жауаптыларын, олимпиаданың қорытындыларын шығару және жеңімпаздары мен жүлдегерлерінің марапатталуын белгілейді.

1.2. «BilGen OySana» олимпиадасын ұйымдастырушы «BILGEN» ұлттық авторлық методика және бағалау орталығы (әрі қарай Үйлестіруші) болып табылады.

1.3. «BilGen OySana» олимпиадасының Ұйымдастыру комитеті (бұдан әрі - Ұйымдастыру комитеті) өткізу тәртібі мен қатысу тәртібін белгілейді.

1.4. «BilGen OySana» олимпиадасының тапсырмаларын Ұйымдастыру комитеті ұйымдастырады, олимпиада кезеңдерінің өту уақытын алдын-ала [www.bilge.kz](http://www.bilge.kz) сайтында жариялайды немесе қатысушыларға өңірлердегі Ұйымдастырушылар арқылы хабарлайды.

1.5. «BILGEN OYSANA 2019» менталды арифметика олимпиадасына қатысу (сұраныс бойынша ерікті түрде) жарнасын сайтта ([www.bilgen.academy](http://www.bilgen.academy)) көрсетілген өңірлік Казпошта, КаспиБанк, Halyk Bank бөлімшелерінде жүргізіледі және де Qiwi, kassa24 терминалдары бойынша, онлайн [kaspi.kz](http://kaspi.kz) қосымшасы арқылы және operaу (mastercard, visa card) төлем төлеу жүйелері арқылы жүргізіледі (тек [www.bilgen.academy](http://www.bilgen.academy) порталында тіркелген қатысушыларды) қабылдайды. Төлем жасау туралы толық ақпарат 1 қосымшада көрсетілген.

1.6. «BilGen OySana» олимпиадасының Ұйымдастыру комитеті бекіткен барлық шараларды «BILGE» аймақтық орталықтарының ұйымдастыру комитеттері республикалық кезеңге дейін ұйымдастырады. «BILGEN» Ұлттық авторлық методика және бағалау орталығы республикалық және халықаралық кезеңдерді ұйымдастырады.

«BilGen OySana» олимпиадасының форматын пайдалана отырып, өзгеше коммерциялық мүдделерді көздеген шаралар заңсыз болып табылады. Осы сарындағы бейресми жолмен тараған ақпараттарға Ұйымдастыру комитеті мен Үйлестіруші тарап жауапты болып табылмайды.

## 2. ОЛИМПИАДАНЫҢ МАҚСАТЫ МЕН МІНДЕТТЕРІ:

2.1. Олимпиаданың негізгі мақсаттары: ұлағатты ұрпақ тәрбиесінде жахандық жанашылдық пен жасампаздыққа бейімдеу, олимпиадаға қатысушылар арасында ауызша есептер мен математикаға деген қызығушылығын және шығармашылық белсенділігін арттыру, мәдени кеңістігін кеңейту, дарынды балаларды анықтау, мектептен тыс іс-шараларды белсендіру және олимпиада қатысушыларын өздерінің білімдерін балама бағалаумен қамтамасыз ету, жаңа білім мен біліктіліктің эталоны IT (ақпараттық технологияға) бейімдеу болып табылады.

2.2. «BilGen OySana» олимпиадасының негізгі міндеттері:

- Өз білімдерін және дағдыларын көрсететін интеллектуалды дарынды балаларды анықтау, олардың табысқа жетуіне жәрдемдесу;
- Ортада өз қабілетін көрсетіп және шынайы бәсекелестіктен қорықпай командамен алға суырылып шыға алатын, алға ұмтылу түйсігін ояту;
- Дарынды және талантты оқушыларды анықтау;
- Қатысушының командада жұмыс істей алу қабілетін дамыту;
- Әр қатысушының командада алатын орнының маңыздылығын түсінуге үйрету;
- Қатысушыларды өзім деп емес, елім деп ойлауға, патриоттық сезімді оята отырып, командалық жүйеде жұмыс жасауға үйрету.

### 3. ОЛИМПИАДАНЫ ҰЙЫМДАСТЫРУ

3.1. Орталықта олимпиаданы ұйымдастыру комитеті құрылады. Олимпиаданы ұйымдастыру және басқаруды Ұйымдастыру комитеті жүзеге асырады. Ұйымдастыру комитетінің жұмыс тобы әрбір облыста іс-шараны өткізуге жауап береді.

3.2. Ұйымдастыру комитеті олимпиаданың ұйымдастырушысы болып табылады және келесі функцияларды орындайды:

- Олимпиаданың ережелері мен тәртібін айқындайды;
- Арнайы номинацияларды бекітеді;
- Олимпиаданың кестесін (бағдарламасын) бекітеді;
- Арнайы шешімдер қабылдай алады;
- Олимпиаданың ұзақтығын белгілейді;
- Олимпиадаға қатысу ережелерін әзірлейді және бекітеді;
- Олимпиадаға қатысу ережелерін бұзған жағдайда қатысушының тапсырмасын жарамсыз деп жариялай алады;
- Қатысушылардың тапсырмаларының ұзақтығын айқындайды;

- Қатысушылардың орындаған тапсырмаларын бағалау критерийлері мен әдістерін әзірлейді.

3.3. Олимпиада жыл сайын өткізіледі және төрт кезеңнен тұрады:

- аудандық;
- облыстық;
- республикалық;
- халықаралық.

3.4. Олимпиада үш жас ерекшелігі аралығында өтеді:

- бірінші жас ерекшелігі «Бүлдіршін» тобы = < 8 жас
- екінші жас ерекшелігі «Жеткіншек» тобы = 8 < 12 жас
- үшінші жас ерекшелігі «Өскелең» тобы = 12 < 16 жас

3.5. Аудандық, облыстық және республикалық кезеңдердің тапсырмалары командалық түрде болады – 4 түрлі тапсырмадан тұрады. Әр қатысушы бір тапсырмадан орындайды:

- 1) Менталды есептеу
- 2) Соробанда есептеу
- 3) Логика
- 4) Судоку

\*\*\* Нәтиже команданың жалпы ұпайымен бағаланады.

3.6. Халықаралық кезеңде оқушылар жеке – жеке қатысады және тапсырма бір түрде болады:

- 1) Менталды есептеу (флеш-анзан)

3.7. Өтініш пен қатысушылардың тізімін жинау үшін, мектептің бір жауапты оқытушысы тағайындалады, ол Ұйымдастыру комитетімен тығыз жұмыс жасайды.

3.8. «BILGEN» ұлттық авторлық методика және бағалау орталығының Ұйымдастыру комитеті, «BilGen OySana» олимпиадасын өткізуге және бағалауға жауап береді.

3.9. Жауапты методисттің міндеттері:

- Курста оқитын барлық оқушылардың толық қатыстырылуын қадағалау;

- Олимпиадаға қатысатын оқушылардың ата-аналарының келісімімен қолхатты [www.bilgen.academy](http://www.bilgen.academy) порталында тіркелу барысында арнайы келісім шартқа отыруын міндеттеу және ата-аналардың бірге баруын қарастыру;
- Қатысушы оқушылардың қауіпсіздігі мен жол жүруіне (келуі, кетуі) жауап беру (арнайы нотариалды ата-анасының сенімхаты арқылы);
- Командадағы қатысушы оқушылардың тізімдерінің толық, дұрыс нұсқада орталыққа жетуін қадағалау;
- Олимпиада командалық жүйеде өтетіндіктен, оқушыларды командалық тапсырмалардың 4-түрі бойынша деңгей мен жас ерекшелігін ескере отырып, бағытына қарай бөліп, тізімін жасап өткізу;
- Ережеде көрсетілген шарттардың толық және дұрыс орындалуын бақылау.

#### 4. ОЛИМПИАДА ҚАТЫСУШЫЛАРЫ

4.1. Олимпиадаға қатысушыларды алдын-ала таңдаусыз өткізіледі. Олимпиадаға қатысу ерікті болып табылады. Олимпиадаға қатысуға оқушыларды өз қалауынан қарсы қатыстыруға қатаң тыйым салынады. Олимпиадаға қатысу туралы шешімді қатысушылар мен олардың ата-аналары (заңды өкілдері) жасайды.

4.2. Олимпиадаға қатысу үшін қатысушы міндетті:

4.2.1. Аудандық және облыстық кезеңде қатысушы команда олимпиада жарнасын төлеп аймақтық орталыққа сұраныс жіберу арқылы қатыса алады.

4.2.2. Олимпиадаға қатысу үшін төленетін жарна:

- аудандық және облыстық – 1000 теңге
- республикалық – 5000 теңге
- халықаралық – 15000 теңге

Бұл жарна олимпиаданы ұйымдастырумен байланысты шығындарды жабуға, яғни алынған қаражатты үйлестірушілер іссапар шығындарына, төрелік (әділқазы) жұмыстарына, өңірде олимпиаданы ұйымдастыру және өткізу үшін ұйымдастыру комитеті – сертификаттарды және грамоталарды дайындауға, сыйлықтарды алуға, тапсырмаларды әзірлеуге, тексеруге және тағы басқа қажеттіліктерге жұмсалуды туралы ұйымдастыру комитеті бекітеді, және көлемі мен дәрежелері әр деңгейде болады.

4.2.3. Олимпиаданың ережелерімен толық танысу.

#### 5. ӨТКІЗУ ТӘРТІБІ

## **1 – кезең: Аудандық олимпиада**

Аудандық олимпиаданың өткізілу тәртібі:

- Аудандық олимпиадаға «BilGen OySana» интеллектуалды курсына білім алып жатқан барлық оқушылар қатыса алады;
- Оқушылар топқа бөлініп қатысады;
- 4 түрлі тапсырманы орындау үшін топта 4 оқушы болу керек. Оқушыларды топқа бөлу мұғалімдерге жүктеледі;
- Әр топтың өз атауы, ұраны мен эмблемасы болуы шарт;
- Олимпиадаға қатысу туралы өтініш алдын-ала аймақтық орталыққа тізім жіберу арқылы тіркеледі.

Аудандық олимпиаданың ұйымдастыруы мен өткізілуіне «BILGE» аймақтық орталықтарының ұйымдастыру комитеттері жауапты.

Өткізілетін орны: аудан орталығында ұйымдастырылады.

## **2 – кезең: Облыстық олимпиада**

Облыстық олимпиаданың өткізілу тәртібі:

- Облыстық олимпиадаға аудандық олимпиададан жүлделі орын алған топтар аймақтық орталыққа өтініш беру арқылы қатыса алады;
- 4 түрлі тапсырманы орындау үшін топта 4 оқушы болу керек. Әр топтың өз атауы мен эмблемасы болуы шарт.

Облыстық олимпиаданың ұйымдастыруы мен өткізілуіне «BILGE» аймақтық орталықтарының ұйымдастыру комитеттері жауапты.

Өткізілетін орны: облыс орталығында ұйымдастырылады.

## **3 – кезең: Республикалық олимпиада**

Республикалық олимпиаданың өткізілу тәртібі:

- Республикалық олимпиадаға облыстық олимпиададан жүлделі орын алған топтар «BILGEN» ұлттық авторлық методика және бағалау орталығына өтініш беру арқылы қатыса алады;
- 4 түрлі тапсырманы орындау үшін топта 4 оқушы болу керек. Әр топтың өз атауы, ұраны мен эмблемасы болуы шарт.

Республикалық олимпиаданың ұйымдастыруы мен өткізілуіне «BILGEN» ұлттық авторлық методика және бағалау орталығы жауапты.

Өткізілетін орны: Астана қаласы.

Олимпиаданың қорытындысын шығару және жүлделі орындарды анықтау Ұйымдастыру комитетіне жүктеледі. Марапаттаудан кейін Ұйымдастыру комитетінің шешіміне келіспеген топтар 24 сағаттың ішінде қайта қарауға [www.bilge.kz](http://www.bilge.kz) сайтында өтініш бере алады.

#### **4 –кезең. Халықаралық олимпиада**

- Халықаралық олимпиадаға алдыңғы кезеңдерге қатыспаған, жүлделі орын ала алмаған барлық оқушылар да қатыса алады. Халықаралық олимпиадаға қатысу үшін міндетті түрде [www.bilgen.academy](http://www.bilgen.academy) порталында, «OySana Game» ойынын ойнау арқылы белгілі бір ұпай жинап, халықаралық олимпиадаға жолдама алу қажет. Республикалық кезеңде жүлделі орын алған қатысушылар үшін де міндетті түрде «OySana Game» ойынын ойнап, ұпай жинау арқылы жолдама алу қажет.
- Бұл кезеңде оқушылар жеке-жеке қатысады.

Халықаралық олимпиаданың ұйымдастыруы мен өткізілуіне «BILGEN» ұлттық авторлық методика және бағалау орталығы жауапты.

Өткізілетін орны: Алматы қаласы шілде айында.

#### **6. ЖҰМЫСТАРДЫ БАҒАЛАУ**

6.1. Аудандық, облыстық және республикалық кезеңде жеңімпаздарды іріктеу критерийлері - тапсырмалардың дұрыстығы мен жылдамдығы. Егер қатысушылардың ұпайлары бірдей болған жағдайда, жеңімпаз: 1) тапсырманы жылдам орындаған 2) жасы кіші оқушы болғанына қарай анықталады.

#### **7. ҰЙЫМДАСТЫРУ КОМИТЕТІНІҢ АРНАЙЫ ҚҰҚЫҚТАРЫ**

Ұйымдастыру комитеті құқылы:

- 7.1. Олимпиаданың басталуына дейін 1 (бір) аптадан кешіктірмей ресми сайтта өзгерістер туралы хабарлай отырып, олимпиаданың кезеңі мен шарттарын өзгертуге;
- 7.2. Олимпиаданың бағдарламасына қосымша өзгерістер енгізіп, ресми сайтта өзгерістер туралы алдын-ала 1 (бір) апта бұрын хабарлауға;
- 7.3. Қосымша номинациялар мен жүлделер белгілеуге, сондай-ақ ұйымдастырушылардан, демеушілерден және басқа да мүдделі ұйымдардан және жеке тұлғалардан арнайы сыйлықтар белгілеуге мүмкіндік беруге;
- 7.4. Олимпиаданың ережелерін бұзғаны үшін қатысушылар мен командаларды дисквалификациялауға.

#### **8. ЖЕҢІМПАЗДАР МЕН ЖҮЛДЕГЕРЛЕРДІ МАРАПАТТАУ**

Номинация бойынша жеңімпаздар (командалар):



- Гран-при – «Білге»  
1 орын – «Кемеңгер»  
2 орын – «Білімді»  
3 орын – «Ақылды»

Олимпиаданың жеңімпаздары мен жүлдегерлері дипломдармен, медальдармен және бағалы сыйлықтармен марапатталады. Жеңімпаз және жүлдегер атанбаған барлық қатысушылар Олимпиадаға қатысқаны үшін сертификаттармен марапатталады.

## 9. КЕЛУШІЛЕР МЕН ҚАТЫСУШЫЛАРДЫҢ ЖАУАПКЕРШІЛІГІ

### **Олимпиаданың келушілері мен қатысушылары міндетті:**

- 9.1. Олимпиада өткізілетін орында тазалық пен ұқыптылықты сақтауға;
- 9.2. Қауіпсіздік ережесін сақтауға;
- 9.3. Қоғамдық тәртіпті және жалпы қабылданған мінез-құлық нормаларын қатаң сақтауға;
- 9.4. Әкімшіліктің, полицияның, өрт қауіпсіздігіне жауапты тұлғалардың және де басқа тұлғалардың заңды ескертулеріне және талаптарына бағынуға;
- 9.5. Бұқаралық іс-шаралар кезінде қоғамдық тәртіпке және қауіпсіздікке жауапты лауазымды тұлғалар мен қызмет көрсетуші тұлғаларға қатысты құрметпен әрекет етуге;
- 9.6. Басқаларға қауіп төндіруі мүмкін және төтенше жағдайды тудыратын әрекеттерге жол бермеуге;
- 9.7. Кішкентай балаларды қараусыз қалдырмауға;
- 9.8. Іс-шаралар аяқталғаннан кейін бөлмелер мен ғимараттардан ұйымдастырушылық шығу жүргізуге;
- 9.9. Белгіленген орындарда автокөлікті қоюға;
- 9.10. Қонақтар мен қатысушылардың денсаулығы мен қауіпсіздігіне қауіп төндіретін жағдайлар туындаған жағдайда, іс-шараның ұйымдастырушыларына дереу хабарлауға;
- 9.11. Эвакуация туралы ақпарат алған кезде заң және тәртіпті қамтамасыз етуге жауапты әкімшілік пен құқық қорғау органдарының нұсқауларына сәйкес тыныштық сақтап, үрей тудырмау әрекет етуге.

### **Келушілер мен қатысушыларға тыйым салынады:**

- 9.12. Ұйымдастыру комитетінің рұқсатынсыз бейне және фотосурет жүргізу;
- 9.13. Қару-жарақ пен тұтанғыш, жарылғыш, улы, иісті, есірткі заттарын, алкогольді ішімдіктерді әкелу, сондай-ақ шыны ыдыстардағы сусындарды қолдануға;

- 9.14. Баспалдақтарда, сахнаға, ғимаратқа кіру және шығу жолдарында сонымен қатар бұқаралық іс-шараларға қатысушылардың қозғалысына кедергі келтіруге;
- 9.15. Мас күйінде іс-шараға қатысуға;
- 9.16. Байқау өтіп жатқан орында темекі шегуге;
- 9.17. Адамның қадір-қасиетіне және қоғамдық моральға зиян келтіретін дау-дамайларға немесе өзге де іс-әрекеттерге жол беруге;
- 9.18. Жабдықтарды, техникалық құралдарды және тіршілікті қамтамасыз ету жүйелерін, құрылыстың дизайн элементтерін, басқа да жабдықтарды, жасыл желектерді зақымдауға;
- 9.19. Әкімшіліктің жазбаша рұқсатынсыз сауда-саттықты, жарнамалық жазбаларды, хабарландыруларды, плакаттарды және де басқа ақпараттық мазмұнды жарнамаларды орналастыруды жүзеге асыруға.

## 10. ҚАУІПСІЗДІК

- 10.1. Олимпиада кезіндегі қауіпсіздік Ұйымдастырушылар атынан қауіпсіздік қызметкерлерімен қамтамасыз етіледі.
- 10.2. Жеке қауіпсіздікті, мүлікті және құжаттарды сақтауға қатысты барлық мәселелерді олимпиада қатысушылары дербес шешеді.
- 10.3. 18 жасқа толмаған балалар ата-аналарының немесе мұғалімдердің карамағында болуы қажет.

\*\*\* Ережеде өзгерістер болуы мүмкін, өзгерістер сол шыққан күннен бастап күшіне енеді.

Қосымша1

**Казпошта арқылы төлем жасау үшін:**

«Bilgen Academy» төлем коды: 10230

**Каспи Банк арқылы төлем жасау үшін:**

«Bilgen Academy немесе Bilgen Group» БИН: 170840024376

**Онлайн kaspi.kz арқылы төлем жасау үшін:**

\* Төлемдер \* Білім \* Мектеп \* Мектеп атауына bilgen.academy сөзін теріп,  
жалғастыруды басасыз

Пайда болған парақшаға мәліметтерді толтырасыз:

- Сынып
- Оқушының аты-жөні
- Төлем төлеушінің аты-жөні
- Қосымша ақпарат
- Олимпиада кезеңіне тағайындалған жарнаны толық төлеу қажет
- Растау батырмасымен төлем аяқталады.